



საჯარო სამართლის იურიდიული პირი
ილიას სახელმწიფო უნივერსიტეტი

ბრძანება



ქ. თბილისი

N 1116-03

14/07/2026

2026-2027 სასწავლო წლის შემოდგომის სემესტრისათვის ილიას სახელმწიფო უნივერსიტეტის სამართლის სკოლაში გადასვლის მსურველთათვის შიდა მობილობის ვადების დამტკიცების შესახებ

„უმაღლესი განათლების შესახებ“ საქართველოს კანონის 22-ე მუხლის 1-ლი პუნქტის, საქართველოს განათლებისა და მეცნიერების მინისტრის 2013 წლის 11 სექტემბრის №134/ნ ბრძანებით დამტკიცებული „საჯარო სამართლის იურიდიული პირის ილიას სახელმწიფო უნივერსიტეტის“ წესდების მე-18 მუხლის მეექვსე პუნქტისა და საქართველოს განათლებისა და მეცნიერების მინისტრის 2010 წლის 4 თებერვლის N10/ნ ბრძანებით დამტკიცებული წესის მეორე მუხლის მე-4 პუნქტის, მეოთხე მუხლის მე-3 პუნქტისა და უნივერსიტეტის აკადემიური საბჭოს 2015 წლის 16 ივნისის N7 სხდომაზე დამტკიცებული ილიას სახელმწიფო უნივერსიტეტში სტუდენტის/პროფესორის სტატუსის მარეგულირებელი წესის მეხუთე მუხლის საფუძველზე, სამართლის სკოლის დეკანის, გიორგი პაპუაშვილის 2026 წლის 9 ივლისის N11156-35 სამსახურებრივი ბარათის გათვალისწინებით

ვბრძანებ

- ილიას სახელმწიფო უნივერსიტეტში 2026-2027 სასწავლო წლის შემოდგომის სემესტრისათვის შიდა მობილობა გამოცხადდეს სამართლის სკოლის საბაკალავრო პროგრამაზე - სამართალი.
- ილიას სახელმწიფო უნივერსიტეტში 2026-2027 სასწავლო წლის შემოდგომის სემესტრისათვის შიდა მობილობის შესახებ სტუდენტთა მიერ განცხადებების დაწერის ბოლო ვადა განისაზღვროს 2026 წლის 24 ივლისის 18:00 საათის ჩათვლით;
- სტუდენტთა მიერ ილიას სახელმწიფო უნივერსიტეტში 2026-2027 სასწავლო წლის შემოდგომის სემესტრისათვის შიდა მობილობის შესახებ განაცხადი უნდა გაკეთდეს სასწავლო პროცესის მართვის ელექტრონულ სისტემა „არგუსი“-ს საშუალებით;
- იმ შემთხვევაში, თუ შიდა მობილობის დასრულებამდე, მოქმედ კანონმდებლობასთან შესაბამისობაში მოყვანის მიზნით, მოხდება საბაკალავრო პროგრამების მოდიფიცირება 180-კრედიტიან ფორმატში, ის სტუდენტები, რომლებიც უნივერსიტეტში ჩაირიცხნენ 2025 წლის 1 სექტემბრიდან, შიდა მობილობას განახორციელებენ მოდიფიცირებულ 180 კრედიტის მოცულობის საბაკალავრო პროგრამაზე;
- შიდა მობილობის შესახებ განცხადებების განხილვისა და შესაბამისი დასკვნების სტუდენტთათვის გაცნობის და მათი მხრიდან დასკვნებზე ხელმოწერის ბოლო ვადად განისაზღვროს 2026 წლის 4 სექტემბერი;
- იმ სტუდენტთა მონაცემები, რომლებიც შიდა მობილობას ახორციელებენ იმ საგანმანათლებლო პროგრამებიდან, რომლის საფასური სრულად ფინანსდება სახელმწიფოს მიერ, იურიდიულ სამსახურს ამ ბრძანებით დადგენილ ვადებში მიეწოდოს ინდივიდუალურად;
- შიდა მობილობის შესახებ შესაბამისი წარდგინების იურიდიული სამსახურისათვის წარდგენის ვადა განისაზღვროს 2026 წლის 7 სექტემბრამდე;
- უნივერსიტეტის იურიდიული სამსახურის მიერ შიდა მობილობის შესახებ ბრძანების პროექტის მომზადების ბოლო ვადად განისაზღვროს 2026 წლის 11 სექტემბერი;
- შიდა მობილობის უფლება სტუდენტს წარმოეშობა მხოლოდ იმ საგანმანათლებლო პროგრამაზე, რომელსაც შეესაბამება მის მიერ ჩაბარებული ერთიანი ეროვნული გამოცდების ფარგლებში, საქართველოს განათლებისა და მეცნიერების მინისტრის 2011 წლის 18 თებერვლის №19/ნ ბრძანებით დამტკიცებული „ერთიანი

ეროვნული გამოცდების ჩატარების დებულების“ მე-6 მუხლის მე-2 პუნქტით დადგენილი საგანი/საგნები იმ სტუდენტებისთვის, ვინც ერთიანი ეროვნული გამოცდები ჩააბარა 2020 წელს და შემდგომ;

10. სტუდენტი, რომელიც ისარგებლებს მობილობის უფლებით და გადაყვანილ იქნება სამართლის სკოლაში, ვალდებულია საგანმანათლებლო პროგრამა დაასრულოს არაუგვიანეს „უმაღლესი განათლების შესახებ“ საქართველოს კანონის 89²¹ მუხლით შესაბამისი საგანმანათლებლო პროგრამის განხორციელებისთვის დადგენილი საბოლოო ვადისა.

11. დაევალოს სამართლის სკოლას არგუსსა და განათლების ხარისხის განვითარების ეროვნული ცენტრის ერთიანი სტუდენტური რეესტრის მონაცემთა ბაზაში შიდა მობილობის შედეგების ასახვა შიდა მობილობის შედეგების შესახებ ბრძანების გამოცემიდან 1 დღის ვადაში;

12. შიდა მობილობის პროცესზე პასუხისმგებელ პირად განისაზღვროს სამართლის სკოლის დეკანი;

13. სამართლის სკოლის მიერ მომზადებული დასკვნებსა და წარმოდგენილ დანართში მითითებულ პროგრამის სახელწოდებების სისწორეზე პასუხისმგებელ პირებად განისაზღვრონ დეკანი და პირი, რომელიც ამზადებს შესაბამის დასკვნას;

14. სამართლის სკოლის დეკანს დაევალოს შექმნას ჯგუფი, რომელიც მოახდენს შიდა მობილობის პროცესის უზრუნველყოფას;

15. სამართლის სკოლას დაევალოს უზრუნველყოს ამ ბრძანებაში მითითებული ინფორმაციის მიწოდება სტუდენტებისათვის;

16. საინფორმაციო ტექნოლოგიების სამსახურს დაევალოს, ამ ბრძანებაში მითითებული ინფორმაციის მიწოდება სტუდენტებისათვის სასწავლო პროცესის მართვის ელექტრონულ სისტემა „არგუსი“-ს საშუალებით;

17. სამართლის სკოლას დაევალოს უზრუნველყოს შიდა მობილობის პროცესში მონაწილე სტუდენტთა თავსებადობის დასკვნების მიწოდება საინფორმაციო ტექნოლოგიების სამსახურისთვის, შიდა მობილობის შედეგების ბრძანების გამოცემიდან სამი სამუშაო დღის ვადაში.

18. უნივერსიტეტის საზოგადოებასთან ურთიერთობის სამსახურს დაევალოს, უზრუნველყოს ამ ბრძანებაში მითითებული ინფორმაციის მიწოდება სტუდენტებისათვის ყველა შესაძლო საშუალებით;

19. დაევალოს უნივერსიტეტის კანცელარიას, ეს ბრძანება გააცნოს ფაკულტეტებს/სკოლას, შემოსავლების აღრიცხვისა და ანალიზის დეპარტამენტს, ხარისხის უზრუნველყოფის სამსახურს, რექტორის აპარატს, იურიდიულ სამსახურს, საზოგადოებასთან ურთიერთობის სამსახურს, საგარეო ურთიერთობების სამსახურს, საერთაშორისო სტუდენტებისა და პროგრამების მარკეტინგის სამსახურს, საინფორმაციო ტექნოლოგიების სამსახურს, ადმინისტრაციული პროცესების კოორდინაციისა და მართვის სამსახურს, სტუდენტურ საქმეთა დეპარტამენტს.

ნინო დობორჯგინიძე

რექტორი

